



--

Arkiv saknr:	2021/1943
Løpenr.:	11575/2021
Arkivkode:	

Utval	Møtedato	Utval Saksnr
Plan- og miljøutvalet	09.06.2021	21/75

Sakshandsamar: Turid Opsund

Oppstart av rullering av Forskrift for fritidskjøring med snøskuter

Vedlegg:

- 1 Gjeldande forskrift
- 2 Løypekart

Bakgrunn:

Etter at Stortinget vedtok endringar i lov om motorferdsel i utmark og vassdrag mv. og med det opna for at kommunane kunne etablere løyper for kjøring med snøskuter på vinterføre vart det utarbeidd ei lokal forskrift for fritidskjøring med snøskuter i Vinje som vart fastsett av kommunestyret i 2016.

Vurdering:

Vinje har no hatt løypenett for fritidskjøring med snøskuter i ein del år. Forskrifta har gått gjennom mindre endringar ved nokre tilhøve og det er no naturleg å ta ein runde å rullere heile forskrifta for å gjere naudsynte korrigeringar ut frå erfaringar med arbeidet. Det er og kome fleire signal om innspel, samt at alle som ynskjer det kan koma med ynskje om endringar til forskrift og tilhøyrande kart.

Rullering av forskrifta skal fylge prosessreglane etter forvalningslova. Snøskuterløyper råkar fleire interesser, og ein fylgjer difor plan – og bygningslovas føresegner om høyring og kunngjering.

For å sjå til at alle interesser vert hørt vert rullering av forskrifta varsla på kommunens heimsider, facebook og på kommunehuset. Samstundes vert det sendt ut til skuterklubbane og offentlege organ.

Prosess:

Dersom det vert vedteke å setje i gang med rullering av forskrifta vil det først verte varsla oppstart av rullering med ein frist for innspel. Deretter vert alle innspel bearbeidd, det vert så fremja ei sak til fyrstegongs handsaming i plan og miljøutvalet. Det vert etter det ein ny høyringsrunde før andregongs handsaming i planutvalet og endeleg vedtak i kommunestyret.

Dersom det i løpet av prosessen kjem innspel til nye traserar vert det naudsynt å utføre kartlegging av desse før ein kan leggje dei ut. I tråd med motorferdselslova må tilhovet til naturmangfold og friluftsliv undersøkast.

Rådmannen rår til at det vert sett i gang arbeid med rullering av forskrifta.

Rådmannens framlegg til vedtak:

Vinje kommune set i gang rullering av forskrift for fritidskjøring med snøskuter

Rådmannen,

Jan Myrekrok, rådmann /s/

Handsaming i Plan- og miljøutvalet 09.06.2021:

Framleggget frå rådmann blei samrøystes vedteke.

Vinje kommune set i gang rullering av forskrift for fritidskjøring med snøskuter